



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, , den 04/04/2022

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Ëmwelt, Klima an nohaltëg Entwécklung weiderzeleeden.

Den Office national du Remembrement huet de 17. Mäerz 2022 eng Ausschreiwung fir de Bau vu Bëschweeër zu Klierf publizéiert. Ufank Juli 2022 solle fir ronn 15 Wochen d'Bauaarbechte fir dës Bëschwee vun 3,7km ufänken. Laut Avis solle fir de Projet 1400 Meterkaree u "Géotextile" a 1350 Kubikmeter "matériaux pierreux de la région" verbaut ginn.

An deem Zesummenhang wéilt ech der Ministesch dës Froe stellen:

1. Handelt et sech beim Projet ëm e Bëschwee vum Profiltyp "plat"? Falls jo, wéi kann et sinn, dass bei enger Breet vu 3,50m an enger Längt vum 3,7km, 1400 Meterkaree u "Géotextile" verbaut ginn?
2. An der parlamentarescher Fro n°1272 gëtt dorop opmierksam gemaach, dass en onofhängege Büro den Impakt vun esou Projeten ob d'Ëmwelt evaluéiert. Wäert d'Ministesch den Deputéierten Asiicht an dës Impaktstudie ginn?
3. Wéi héich sinn d'Käschte vun den 1400 Meterkaree "Géotextile" an den 1350 Kubikmeter "matériaux pierreux de la région", déi fir de Bëschwee gebraucht ginn? Wou kommen dës Materialien hier?
4. Bëschweeër ginn oft en vue vu wirtschaftlechen Ureizer amenagéiert, ass dës hei och de Fall? Falls jo, wat fir ee wirtschaftleche Gewënn gëtt sech duerch dës zousätzleche Bëschwee an déi domadder erschléisste Gebidder erwaart?
5. Wéi ass dës Projet am Zesummenhang mat dem vum Ëmweltministère decidéierte Moratoire op nei Weeër duerch de Bësch ze verstoen? Handelt et sech bei dem betreffenen Ofschnëtt net ëm en öffentleche Lafholz Bësch?

Mat déiwem Respekt,



www.piraten.lu



GOERGEN Marc

Député



www.piraten.lu